

Canllaw i rieni a gofalwyr



Cynllun Datblygu Unigol

Cynllun sengl yw'r Cynllun Datblygu Unigol (CDU) a roddir ar waith ar gyfer plant ag ADY ar ôl y cyfarfod Cynllunio Person Canolog (CPC). Mae'r CDU yn cynnwys disgrifiad o anghenion eich plentyn a'r Ddarpariaeth Ddysgu Ychwanegol sy'n gorfod bod ar waith i gwrdd â'r anghenion hynny

BYDD Y CDU YN NODI:

- Pa gymorth sydd ei angen ar eich plentyn i ddysgu a datblygu.
- Pwy sy'n gyfrifol am sicrhau bod eich plentyn yn cael y cymorth angenrheidiol.
- Sut y bydd yn cael y cymorth sydd ei angen arno/arni.
- Sut y byddwn yn gwybod a yw'r cymorth wedi bod o help i'ch plentyn, yn ôl y bwriad.

Mae'r CDU yn ddogfen fyw a fydd yn cael ei rhannu â phawb a fu'n helpu i'w pharatoi. Bydd yn cael ei hadolygu mor aml ag sydd angen ac o leiaf unwaith y fywyddyn.

Mae'n **ofynnol** i ysgol gyfeirio i awdurdod lleol i bennu a oes gan blentyn/person ifanc anghenion dysgu ychwanegol mewn dau achos sef, pan fo plentyn neu berson ifanc:

- wedi'i gofrestru'n ddeuol e.e. efallai'n mynd i Uned Cyfeirio Disgyblion (PRU) a/neu;
- yn derbyn gofal gan yr Awdurdod Lleol

Fel arall, gall ysgol gyfeirio achos plentyn neu berson ifanc i awdurdod lleol **pan fo anghenion dysgu ychwanegol wedi'u dynodi** gan yr ysgol:

- a byddai'n rhesymol i'r ysgol sicrhau'r ddarpariaeth ddysgu ychwanegol;
- nad oes modd dynodi'n ddigonol o ran y graddau neu'r natur, neu nad oes modd dynodi'r ddarpariaeth ddysgu ychwanegol yn ddigonol.

Bydd yr ysgol yn cyfeirio'r achos i'r Awdurdod Lleol pan fydd yr anghenion dysgu ychwanegol wedi'u dynodi a chyn gynted â phosibl yn y broses. Bydd yr ysgol yn eich hysbysu yn ysgrifenedig ynghylch y cyfeirio.

I gael gwybodaeth a chynngor ar y broses o ddatblygu Cynllun Datblygu Unigol a'r Cod ADY, cysylltwch ar bob cyfiri â'r [Cydlynnydd Anghenion Dysgu Ychwanegol \(CADY\)](#) yn ysgol eich plentyn/person ifanc.

BETH SY'N DIGWYDD OS NAD WYF FI'N CYTUNO?

Lle bo modd, ymdrinnir ag anghytundebau cyn gynted â phosib a hynny gyda'r bobl allweddol dan sylw.

Argymhellir eich bod yn cysylltu yn y lle cyntaf â'r Cydlynnydd Anghenion Dysgu Ychwanegol neu'r Pennaeth yn ysgol eich plentyn/person ifanc.

Os ydych yn dal yn bryderus, gall rhieni/gofalwyr/pobl ifanc gysylltu â'r [Cydlynnydd Cefnogi Teuluoedd a Disgyblion](#) yng Ngheredigion a all roi gwybodaeth, cyngor a chymorth mewn cyfarfodydd addysgol.

Pan fo plentyn, rhiant plentyn neu berson ifanc yn gofyn i'r awdurdod lleol ailystyried penderfyniad a wneir gan ysgol ynghylch a oes gan blentyn ADY (neu bod yr ysgol wedi gwrthod gwneud penderfyniad) cysylltwch ar bob cyfiri â'r Tîm ADY yng Ngheredigion drwy e-bost i aln@ceredigion.gov.uk neu drwy ffonio **01545 570881**. Rhaid i'r awdurdod lleol benderfynu a oes gan y plentyn ADY neu beidio a bydd yn eich cynghori ynghylch y broses a beth i'w ddisgwyl.

Gwasanaeth partner annibynnol yw [SNAP Cymru](#) sy'n gallu darparu'r gwasanaethau canlynol, am ddim:

Llinell gymorth a chynngor; Gweithiwr Achosion arbenigol; Cyngor am wahaniaethu a gwaith achos cysylltiedig; Eiriolaeth arbenigol annibynnol; Datrys anghytundeb.

Gallwch gysylltu â nhw drwy ffonio 0808 801 0608 neu ymweld â'r wefan i gael rhagor o wybodaeth: www.snapcymru.org/?lang=cy

EICH HAWL I APELIO Mae Tribiwnlys Addysg Cymru yn gwrandao ar apeliadau ynghylch anghenion dysgu ychwanegol plant a phobl ifanc, ac yn gwneud penderfyniadau arnynt, yn ogystal ag am hawliadau'n ymwneud â gwahaniaethu ar sail anabled mewn ysgolion. Mae'r Tribiwnlys yn annibynnol ac mae ei benderfyniadau yn rhai sy'n rhwymo awdurdodau lleol a chyrrff cyfrifol i ddilyn ei orchmynion.

I gael rhagor o wybodaeth, ewch i'w gwefan nhw www.educationtribunal.gov.wales neu ffoniwch 0300 025 9800.

Os yw eich pryderon neu'r anghytundebau yn ymwneud â gwasanaeth iechyd, bydd yr Awdurdod Lleol a'r Swyddogion Arweiniol Clinigol Dynodedig Addysg (DECLLO) a benodir gan Fwrdd Iechyd Hywel Dda yn cydweithio i geisio dod o hyd i ateb. Hefyd gallwch gysylltu â'r bwrdd iechyd yn uniongyrchol. I gael rhagor o wybodaeth, ewch i:

www.wales.nhs.uk/eingwasanaethau/atebolircyhoedd/gweithioiwella

Ble i ddod o hyd i ragor o wybodaeth am ADY yng Ngheredigion:

Cysylltwch â ein Chydlynnydd ADY -Darpariaeth Disgyblion a Rhieni ar **01545 570881** neu ymweld gyda'n wefan

www.ceredigion.gov.uk/preswylwr/ysgolion-ac-addysg/anghenion-dysgu-ychwanegol

